



Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 85. Novi tumultus in Helvetia ob formulam consensus exorti.

[urn:nbn:de:hbz:466:1-67596](#)

Sæc. XVIII. Herbipolensibus Episcopis plene proba-
A. C. 1722. batur: hanc tamen controversiam di-
mendi gloria erat reservata Benedicto
XIV. Pontifici æterna memoria di-
gnissimo.

§. LXXXV.

Novi tumultus in Helvetia ob formam consensus exorti.

Hotting. Eodem tempore, quo Acatholicon
Hist. Helvet. Principum Oratores ad concilian-
t. 4 p. 268. das Lutheri & Calvini sectas decum-
num, frustraneum licet, laborem ad-
hibebant, inter ipsos Calvinistas Hel-
vetios acerrima recruduit Religionis
dissensio: Erant semper Calviniani Can-
tones sicut tenacissimi rigidiorum Cal-
vini opinionum, ita & acerbissimi ho-
stes doctrinæ de gratia universali. His
pro aris & focis adstipulabantur Gene-
veses; sensim vero quorumdam sto-
machus crudus Particularismi domi-
nantis fortes concoquere haud ultra
poterat. Jamjam in Dordraceno Con-
ciliabulo Matthæus Martinius Bremen-
sis Præco, aliquique durissima consectaria
ex hoc errore profluentia nauseabant,
ac propterea unacum Camerone & A-
myraldo hujus doctrinæ cruditatem ad-
invento Universalismo Hypotheticom
mitigare adlaborarunt. Genevæ etiam
Trot.

Tronchinus Præco aliquique gratiæ uni-^{Sæc. XVIII.}
versalis speciem invehere moliebantur,
apertius alii tradebant, Salvatoris nostri
mortem *omnibus* prodesse, ac Deum suf-
ficientem gratiam *omnibus* dedisse:
Inde vero anno præteriti sæculi septua-
gesimo primo universa hæc Civitas &
singulæ familiæ in funestas scindeban-
tur factiones: Manum negotio admo-
vet Magistratus, atque a viginti quin-
que Virorum consilio lis ad ducenarios
devolvitur. Habetur hac de re dispu-
tatio præsentibus loci Prædicantibus.
Afferuntur a vicinis exterisque locis
literæ, & monita, & preces, ut gratia
particularis strenue ac immote propug-
naretur: Stetit pro ratione voluntas
Magistratus, cuius auctoritate promul-
gatum est decretum, per quod univer-
salis gratia in perpetuum proscripta,
ac omnino interdicta sit. Ast vitio om-
nibus sectis communi paulopost accidit,
ut exsiccaretur fœnum, & caderet flos,
quia Spiritus Domini sufflavit in eo,
solumque Verbum Domini manet in
æternum. Non pauci enim ex ipso Ma-
gistratu & Prædicantibus universalem
gratiam scriptis Anonymis propugna-
bant: alii econtrario unice semel re-
ceptum errorem tuendi contentione
permoti, sub falso conscientiæ, Deique
nomen sanctificandi prætextu universa-
lem

A. C. 1722.

Sæc. XVIII. item Dei gratiam impugnabant. His
A. C. 1722. quoque prævalentibus ex mandato Tiguri
gurini Magistratus Joannes Henricus
Heideggerus Præco decantatam For
mulam consensus anno Christi millefimo
sexcentesimo septuagesimo quarto edi
dit; totumque Universalis gratiæ dog
ma proscriptit. Hanc formulam adopta
bant primo Tigurini, postea Bernenses,
Basileenses, Schaffhusani, ac denique
Genevenses, omnesque Theologæ Can
didati huic formulæ subscribere coge
bantur his verbis. Sic sentio. Laul
nienses vero & Vaudenses hanc formu
lam signare constanter recusabant, &
non modo Walchium Cantuariensem
Pseudo - Archiepiscopum, sed & omo
nes Lutheranos in Helvetia, imo &
ipsum Fridericum Borussiæ Regem li
teris sollicitabant, ne læsa conscientia
libertate ad formulæ subscriptionem vi
adigerentur. Eorum votis annuens Re
die vigesima prima Februarii hoc anno
ad Calvinianos Pagos hæc perscripta
„Cum utriusque Religionis Sectatores
„arctiorem unionem inter se stabilire
„conentur, neminem tamen ad id, de
„quo convictus non est, credendum vel
„profitendum adigere intendant, sed
„unice quærant, ut tam Calvinistæ quam
„Lutherani, qui aliunde in fundame
„talibus articulis conveniunt, quantum

„fieri poterit, fr̄ terna concordia unian- Sæc. XVIII.
 „tur, & circa accidentalia invicem non A. C. 1722.
 „altercentur &c. hinc non sine mærore
 „sua Majestas percepit. quod præcipue
 „apud Tigurinos & Bernenses Præco-
 „nibus & Professoribus denuo quædam
 „formula aliique asperiores de præde-
 „stinatione articuli, qui tamen nec a
 „Protestantibus imo nec etiam ab om-
 „nibus Calvinistis adoptati probatique
 „sunt, obrudantur: cum ergo nemo
 „cogi possit, ut profiteatur, de cuius
 „veritate convictus non est, hinc sua
 „Majestas rogat, ne necessariam inter
 „Protestantes concordiam per præfa-
 „tam formulam, immoderatamque se-
 „veritatem præpediant, sed hac in re
 „cuilibet plenam libertatem relinquant,
 „& duntaxat Confessionem Helveticam
 „tueantur, præcipue cum doctrina de
 „universali aut particulari gratia sat
 „expresse in sanctis Literis tradita non
 „sit &c., Adversus ipsam hanc formu-
 „lam etiam declamabat Angliæ Rex hæc
 ad Helvetios perscribens: „Formula
 „consensus in variis Helvetiorum Pagis
 „a pluribus annis recepta graves in
 „Germania concitavit turbas, simulque
 „inter Fratres speratam Protestantium
 „unionem impedivit, quo circa hos ac
 „præcipue Tigurinos & Bernenses hor-
 „tamur, ut pacis studio nullus huic for-
 „mulæ

Sæc. XVIII., mulæ subscribere compellatur.,
A. C. 1722. dem ferme tenore Ratisbonenses
Principum Legati ad Bernenses & Tigurinos
perscripsere die duodecima Maii.
Adhorum Principum monita aliorum Pe-
gorum Prædicantes iidem, qui hanc
formulam ratam haberi ardentius olim
postulabant, non modo illius subscrip-
tionem urgere destitere, sed insuper
die vigesima sexta Maij coram Senatu
declararunt, huic formulæ, utpote e-
osæ, ac nequaquam necessariæ, & que
insuper Protestantium unioni obstante,
haud ultra insistendum esse. Nihil
minus Bernenses ac Tigurini biduo pol-
præfatis Regibus & Principibus signa-
ficarunt, quod quamvis hac unione
hil optabilius haberent, sperarent te-
men, quod eorum libri Symbolici, quo
inter formula Consensus post maturam
& diuturnam deliberationem ex gre-
vissimis caussis ab omnibus Helveticis
prout ab ipsis Majoribus recepi-
sent. An. 1675. accepta fuit, & in hanc
usque diem sine omni conscientia
aut innovatione subsistit, nequaquam
directe vel indirecte Ecclesiarum unioni
obstere valeat. Idem fese jamjam
Regis Borussiae Avum Anno 1686. die
octava Maij perscripsisse annotabant
Audaciores erant Bernenses, qui die
decima sexta Junii Lausoniensibus han-

subscriptionem pro summo imperio im- Sæc. XVIII.
A. C. 1722.
posuere: Verum hi die trigesima Ja-
nuarii Angliæ & Borussiæ Regum
opem implorabant, ad quorum etiam
præces Borussus die sexta Aprilis re-
scripsit, quamplurimis hanc subscriptio-
nem esse exosam, proin eos ab hoc
onere esse liberandos: nihilominus ob-
stinati die decima septima Junii nomine
omnium Pagorum responderunt, se nul-
lius conscientiæ vim intulisse, eoquod
hanc formulam non tanquam fidei arti-
culum, sed ut uniformis doctrinæ Re-
gulam obtrusissent, si tamen haec sub-
scriptio unioni obstaret, quamprimum
jactata concordia plene confecta esset,
hanc quoque formulam abrogare parati
forent. Postea calamis utrinque acri-
ter certatum, & Hamburgenses, Ro-
stockieuses aliique Prædicantes hanc
formulam utpote *dissensionum* somitem
fæde prosconsiderunt, Regnumque in se
divisum, desolatumque reliquerunt.

§. LXXXVI.

*Synodi Diæcesanæ Monasteriensis
Decreta.*

Hoc anno die decima septima Martii Collett. Con-
Clemens Augustus Bavariæ Dux, cil. Germ.
& Monasteriensis necnon Paderbornensis t. 10. p. 426.
Episcopus Monasterii Diæcesanam ce-
Hist. Eccles. Tom. LXXI. Ee lebra-